



Iesus maudit le figuier qui n'auoit nul fruit, lequel secha incontinent, dont les Apostres furent esbahis.

INSI que Iesus s'en retournoit le matin de Bethanie, où il auoit logé avec les douze pour aller en la Cité, en cheminant il eut faim, & voyant vn figuier qui estoit près du chemin, il y alla pour trouuer quelque chose; & quand il y fut venu, il n'y trouua que des feüilles, car la saison des figes n'estoit point encore venuë. Alors il luy dist, Que nul homme ne mange iamais plus de fruit de toy; & incontinent le figuier secha. Les Disciples voyans cela s'ébahissoient, car ils auoient ouï ce que Iesus auoit dit au figuier. Et dirent en s'ébahissant, Comment le figuier est deuenü sec! car comme ils passoient, ils virent que le figuier estoit sec iusques à la racine. Or Pierre parlant à Iesus, luy dist, Maistre, ce figuier que tu as maudit est seché. Iesus respondant leur dist, Ayez la foy en Dieu. Je vous dis en verité, qu'ayans foy vous ferez non seulement cela, mais si vous dites à cette montagne, Oste-toy d'icy, & te iette en la mer, il sera fait. Et quiconque ne doutera point en son cœur, mais croira, ce qu'il dira sera fait; & toutes choses que vous demanderez en priant ayans foy, ie vous dis qu'il vous sera octroyé.

S. Matthieu Chap. 21. S. Marc Chap. 11.